



Kaum Ob Hlis xiab 10, 2020

Kev Neeg Ua Num So Ib Co Hnub Tsis Them Nyiaj Zaum Ob Pib Rau Lub Ib Hlis

Nyob rau lub Kaum Hli tim 26, [Chancellor Blank tau tshaj tawm](#) qhia khwv yees tias nyiaj npaj siv yuav poob li \$320 lab (*million*) mus txog rau lub Rau Hli tim 30, 2021, vim cov nyiaj tau los poob thiab nqi siv ho nce vim tus kab mob kis thoob ntiaj teb. Ib co nyiaj poob twb txo nyiaj siv lawm, xws li thawj zaug kom cov neeg feem coob so tsis them nyiaj pib thaum lub Tsib Hlis xiab 15 txog lub Kaum Hli tim 31, 2020.

Rau los daws qhov tsis muaj nyiaj txaus them nqi nyuaj rau UW–Madison tab tom muaj, *Chancellor* Blank tau tshaj tawm yuav ua ntau yam txo nyiaj siv, xws li cov neeg ua haujlwm feem coob yuav tau so ib co hnub tsis them nyiaj zaum ob rau 2021 mus txog ib tog xyoo.

UW–Madison cov xibfwb thiab neeg ua num thoob plaws hauv tsev kawm ntawv feem coob yuav raug qhov so ib co hnub tsis them nyiaj pib lub Ib Hlis xiab 1 mus txog Rau Hli tim 30, 2021 (los pib lub Tsib Hlis tim 16, 2021 rau cov ua haujlwm 9 lub hlis xwb). Tus qauv so ib co hnub tsis them nyiaj no zoo tib yam li Thawj Zaug, uas pib thaum lub Tsib Hlis xiab 15–Kaum Hli tim 31, 2020. Cov hnub so tsis them nyiaj yuav rov qab muaj raws tus neeg ua num qhov nyiaj tau rau ib xyoos thaum lub Ib Hlis xiab 1, 2021 rau cov ib hlis them ib zaug thiab Ib Hlis xiab 3, 2021 rau cov ob asthiv them ib zaug. Cov hnub yuav tau so rau tej pawg tau nyiaj npaum cas mus txog npaum cas muaj nyob hav qhov [furlough chart](#).

Chancellor Rebecca Blank thiab cov *vice chancellors* yuav raug txo 15 feem pua cov nyiaj them rau lawv rau 6 lub hlis no, hos cov *deans* ntawm txhua ceg tsev kawm ntawv yuav raug txo 10 feem pua.

Kev Ua Raws Siv Caij So Tsis Them Nyiaj Yuav Zoo Tib Yam Li Thaum 2020

Txhua tus neeg ua haujlwm raug qhov so tsis them nyiaj thoob hauv tsev kawm ntawv Zaub Ob yuav tau txais ib daim ntawv qhia asthiv puav tom ntej no yuav tau so tsawg hnub. Ib cov neeg ua haujlwm yuav txiav lawv cov tw nyiaj them sib npaug zos rau txhua daim nyiaj rau 6 lub hli no (ib qho ua kom nyiaj txaus sib npaug), hos lwm cov yauv raug txiav rau lub caij lawv siv cov hnub so xwb. Qhov txawv no yog raws saib tus neeg ua num nyob rau pawg neeg twg.

Cov neeg ua num yuav tau thov siv lawv cov hnub so tsis them nyiaj thiab kev tso cai tib yam li thaum siv cov caij so mus ua si (*vacation*). Cov neeg ua haujlwm yuav siv tsis tau lawv cov caij so mus ua si, caij tshem cia tseg, caij so rau muaj mob, los caij so rau tus kheej caiv los them paj

lub caij so tsis them nyiaj no. Pib lub Ib Hlis 2021, cov neeg ua haujlwm yuav [xyuas tau cov hnuv so tsis them nyiaj tshuav nyob online](#).

Kev qhia ntxiv txog, kev so tsis them nyiaj, thoob hauv tsev kawm ntawv, nrog rau kev teb cov lus nug txog tas li, muaj nyob *online* hauv hr.wisc.edu/covid19/furlough. Cov neeg muaj lus nug tom qab saib daim ntawv qhia no tag hu tau rau lawv ceg ua haujlwm los ceg qhia ntawv lub *human resources* los hu tau *Office of Human Resources* rau 608-265-2257 los furlough@ohr.wisc.edu.

Txoj Haujlwm Yuav Kom So los Txo Xuabmoos Raws Qhov Kom Muaj Neeg Ua Num Xwb

Cov neeg ua haujlwm uas raug txo cov xuabmoos vim txoj haujlwm tsis raug qhov so cov hnuv tsis them nyiaj muaj rau thoob tsev kawm ntawv. Txoj haujlwm txo xuabmoos yog rau lub caij muaj cov hnuv so tsis them nyiaj no rau lwm cov xwb vim tsis muaj haujlwm rau tus neeg nyob ib qho ua tau tuaj.

Nyob ntawm saib pawg / ceg ua haujlwm yuav kom muaj neeg ua haujlwm li cas yog qhov txo tus neeg cov xuabmoos los kom so kiag txog thaum cov so cov hnuv tsis them nyiaj kawg.

Cov neeg nws txog haujlwm txo cov xuabmoos los kom so lub caij so tsis them nyiaj no yuav tau cov caij so mus ua si, caij rau tus kheej caiv, thiab caij so rau muaj mob tib yam li lawv tsis so. Tus neeg ua haujlwm yuav siv tsis tau cov caij so mus ua si, caij tshem cia tseg, caij so rau muaj mob, los rau tus kheej caiv rau lub caij so tsis them nyiaj no.

Kev qhia ntxiv txog txoj haujlwm raug txo xuabmoos los kom so tsis them nyiaj muaj nyob *online* hauv [cov lus nug txog tas li](#). Ntaub ntawv qhia txog [nyiaj poob haujlwm rau lub caij so tsis them nyiaj \(unemployment benefits during furlough\)](#) kuj muaj nyob *online* thiab.

Tus Qauv Nce Nyiaj Tshuam Li Cas

Lub Ib Hlis, UW–Madison yuav nce [2 feem pua rau tag nrho cov neeg ua haujlwm](#) raws tus qauv nce nyiaj xyoo 2019–2021. Qhov qauv npaj nce nyiaj, yog tsev kawm ntawv tuaj ib co, yuav los daws me ntsis ntawm qhov yuav tau so ib co hnuv tsis them nyiaj. Rau UW–Madison cov neeg ua haujlwm tau nyiaj tsawg tshaj, qhov nce 2 feem pua no los npog yuav luag tas tus nqi nyiaj rau cov hnuv so tsis them nyiaj.

Rau cov neeg ua haujlwm raug txo xuabmoos los so ib co hnuv tsis them nyiaj rau Zaum Ob muaj rau thoob plaws hauv tsev kawm ntawv rau 2021, cov hnuv so tsis them nyiaj yuav muaj raws qhov saib tom qab nce nyiaj tas rau ib xyoo lawv tau nyiaj npaum li cas. Rau cov neeg ua haujlwm feem coob, lawv cov hnuv so yuav nyob tib yam li Thawj Zaug. Tsuas muaj tus puav neeg ua haujlwm thiaj yuav nce ib hnuv so tsis them nyiaj tshaj qhov qub tom qab nce nyiaj rau. Cov neeg ua haujlwm raug ntxiv ib hnuv so tsis them nyiaj yuav tau txais ib daim ntawv qhia tuaj ntawm lawv ceg ua haujlwm los ceg qhia ntawv lub *human resources*.